

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

PARLAMENT FEDERACIJE BiH

Dom naroda

n/r predsjedavajuće, g.đe Lidije Bradara

Predstavnički dom

n/r predsjedavajućeg, gosp. Edina Mušića


Priljeno:		12-07-2017	
Org. jed.	Broj	Priloga	Vrijednost
01, 02 - 02 -	14	19	117

20x

Na osnovu člana 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), kojim pravo predlaganja zakona ima svaki ovlašćeni predlagač zakona iz člana 163. ovog Poslovnika, a u skladu s članom 172. Poslovnika o radu predstavničkog doma Parlamenta FBiH („Sl.novine F BiH“, broj: 69/07 i 1/08), te na osnovu člana 164. Poslovnika o radu Doma naroda („Sl.novine F BiH“, broj: 27/03 i 21/09) ,radi razmatranja i usvajanja po skraćenom postupku podnosim prijedlog Zakona o dopuni **ZAKONA O POREZNOJ UPRAVI FEDERACIJE BOSNE I HERCEGOVINE**

S poštovanjem,

Delegat u Domu naroda Parlamenta  
Federacije BiH



Aner Žuljević

Zastupnik u Predstavničkom  
domu Parlamenta Federacije BiH



Elvir Karajbić

PRIJEDLOG

**ZAKON O DOPUNI  
ZAKONA O POREZNOJ UPRAVI FBiH**

Sarajevo, 2017. Godine

## Član 1.

U Zakonu o Poreznoj upravi Federacije Bosne i Hercegovine ("Službene novine Federacije BiH, br.: 33/02, 28/04, 57/09, 40/10,27/12,07/13,71/14 i 91/15 ) u članu 3. u stavu 1. u tački (4), iza alineje 4. dodaje se alineja 5. i glasi:

- „Popisa porezne uprave FBiH koja mora javno na svojim Internet stranicama objaviti spisak poreznih obveznika/poslodavaca koji ne isplaćuju plaću svojim radnicima tri mjeseca uzastopno, a na osnovu prikupljenih podataka iz propisanih obrazaca vezanih za mjesečno izvještavanje o isplati plaća.

**Popis sadržava: ime i prezime ili naziv poslodavca, godinu rođenja fizičke osobe poslodavca, mjesto prebivališta ili uobičajenog boravišta fizičke osobe ili sjedišta pravne osobe poslodavca, broj radnika kojima na izvještaju nije iskazana isplata plaće i razdoblje na koje se ti izvještaji odnose.**

**Na zahtjev osobe koja dokaže pravni interes, Porezna uprava popis može dopuniti i drugim podacima potrebnim radi nespornog utvrđivanja identiteta pojedinačnog poreznog obveznika s ovoga popisa, kao što su: datum i mjesec rođenja fizičke osobe poslodavca i ime roditelja fizičke osobe poslodavca.“**

## Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH".

## OBRAZLOŽENJE

### I. USTAVNI TEMELJ ZA DONOŠENJE ZAKONA

Za donošenje zakona ustavni osnov se nalazi u odredbi člana III 1. g. (finansiranje djelatnosti federalnih vlasti, ustanova i institucija koje federalne vlasti osnivaju oporezivanjem, zaduživanjem ili drugim sredstvima) i člana IV.A.20.(1) d i j. Ustava Federacije Bosne i Hercegovine (Zakonodavna vlast Federacije – Parlament Federacije), kojom je utvrđeno da je Parlament Federacije, između ostalog, nadležan i za donošenje zakona o vršenju funkcija federalne vlasti.

### II. RAZLOZI ZA DONOŠENJE ZAKONA

Radi poticanja poslodavaca na pravovremeno ispunjavanje njihovih dospjelih obveza prema radnicima i osiguranja povjerenja građana u djelovanje pravne države, poštivanje pravnog poretka kao i omogućavanja bolje kontrole primjene odredbi Zakonu o radu koje se odnose na obavezu isplate plaće, ocjenjeno je svrsishodnim omogućiti javno objavljivanje popisa poreznih obveznika koji ne isplaćuju plaću svojim radnicima.

Slijedom navedenog, propisano je da Porezna uprava može na osnovu prikupljenih podataka na propisanim obrascima, na svojim internet stranicama objaviti popis poreznih obveznika/poslodavaca koji ne isplaćuju plaću svojim radnicima tri mjeseca uzastopno.

### III. OBRAZLOŽENJE VAŽNIJIH PRAVNIH RJEŠENJA

**Članom 1.** propisuje se područje izuzimanja iz okvira porezne tajne, informacija koje po svojoj suštini predstavljaju prije svega javni interes u smislu transparentnosti provođenja propisa iz radno pravnog zakonodavstva, a u ovom slučaju konkretno o poštivanju odredbi Zakona o radu kada je u pitanju isplata plaće radnicima.

**Članom 2.** Propisuje se dan stupanja na snagu ovog Zakona.

### IV. ODREDBE ZAKONA KOJE SE MIJENJAJU

#### Odredba zakona koja se mijenja:

(4) Porezna tajna su sve informacije ili podaci o poreznom obvezniku kojima raspolažu porezni organi, izuzev:

- informacija i podataka za koje porezni obveznik u pisanom obliku izjavi da se ne smatraju poreznom tajnom;
- informacija i podataka datih u takvom obliku da se ne mogu povezati sa pojedinačnim poreznim obveznikom ili ga se na drugi način ne može identifikovati;
- podataka o naplati poreza koji se, prema odredbama ovog zakona, javno objavljuju.
- Podataka o dospjelom a neplaćenom dugu poreznih obveznika ako se daju sredstvima javnog informiranja (naziv/ime poreznog obveznika, ID broj i ukupan iznos duga).

### V. FINANCIJSKA SREDSTVA

Za provedbu ovog zakona nije potrebno osigurati dodatna sredstva u Budžetu Federacije Bosne i Hercegovine, budući da ovaj zakon nema utjecaj na njegove rashode